



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2139/10  
Sarajevo, 19.8.2010. godine

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na zastupničko pitanje koje je postavio gosp. Husein Nanić, zastupnik u Zastupničkom domu Parlamentarne skupštine Bosne i Hercegovine.

U prilogu dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kutleša*

01-50-1

29.8.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 22. 8. 2010.			
Organizaciona jedinica	Klasifikaciona oznaka	Redni broj	Broj priloga
01-	50-1-	15-80/10	



**BOSNA I HERCEGOVINA**  
**VIJEĆE MINISTARA**

Broj: 05-50-1-2139/10  
Sarajevo, 19.8.2010. godine

Husein Nanić, poslanik u Predstavničkom domu Parlamentarne skupštine Bosne i Hercegovine je, na 80. sjednici Predstavničkog doma Parlamentarne skupštine Bosne i Hercegovine održanoj 30.06.2010. godine, postavio je slijedeće poslaničko pitanje :

„Na osnovu kojeg propisa i koji organ je stavio van snage Zakon o Matici iseljenika Bosne i Hercegovine.“

Na postavljeno pitanje, Vijeće ministara Bosne i Hercegovine je na 130. sjednici održanoj 19.8.2010. godine, utvrdilo sljedeći

**ODGOVOR**

Zakon o Matici iseljenika Bosne i Hercegovine („Sl. list SR Bosne i Hercegovine“ broj 36/90) je objavljen 16. novembra 1990. godine. U Aneksu II – Prelazne odredbe Ustava Bosne i Hercegovine u tački 2. utvrđeno je da svi zakoni, propisi i sudski pravilnici koji su na snazi na teritoriji Bosne i Hercegovine u vrijeme stupanja na snagu Ustava ostaju na snazi u mjeri u kojoj nisu u suprotnosti sa Ustavom, dok odgovarajući organi vlasti Bosne i Hercegovine ne odluče drugačije, a u tački 4. je utvrđeno da, dok ne budu zamjenjeni novim sporazumom ili zakonom, organi vlasti, institucije i druga tijela Bosne i Hercegovine djelovaće u skladu sa važećim propisom.


Zakonom o Matici iseljenika Bosne i Hercegovine propisan je način organiziranja Matice iseljenika, djelatnost, suradnja sa drugim maticama iseljenika, sredstva za rad, organi upravljanja, prestanak rada i društveni nadzor nad radom Matice iseljenika.

Zaključkom Vijeća ministara Bosne i Hercegovine sa 52. sjednice od 31.1.2002. godine Vijeće ministara BiH je zadužilo Ministarstvo za ljudska prava i izbjeglice da u saradnji sa Ministarstvom vanjskih poslova BiH pripremi Zakon o Matici iseljenika BiH sa ciljem njenog organiziranja na nivou države, kako bi se sve aktivnosti prema iseljentištvu odvijale preko Matice Bosne i Hercegovine i drugih državnih tijela. Istovremeno, Vijeće ministara je zauzelo stav da ponuđena zakonska rješenja treba da osiguraju zastupljenost svih naroda BiH u organima Matice iseljenika BiH, kao i integriranje postojećih Udruženja/Matica u rad i organizaciju nove Matice iseljenika.

U skladu sa ovim zaključkom i nalogom datim od Vijeća ministara BiH, Ministarstvo za ljudska prava i izbjeglice je dva puta pripremiło Zakon o matici iseljenika BiH (2002. i 2005. godine), međutim ponuđeni Prijedlog zakona nije dobio potrebnu većinu u Parlamentarnoj skupštini Bosne i Hercegovine. Na 13. sjednici Predstavničkog doma Parlamentarne skupštine Bosne i Hercegovine održanoj 13.05.2003. godine i 65. sjednici Predstavničkog doma Parlamentarne skupštine Bosne i Hercegovine održanoj 16.09.2005. godine Prijedlozi ovog Zakona nisu usvojeni jer nisu dobili potrebnu većinu u Parlamentarnoj skupštini Bosne i Hercegovine.

Činjenica je da je Zakon o Matici iseljenika Bosne i Hercegovine donešen 1990. godine i da nije prilagođen postojećem stanju jer se u ovom periodu stanje bosanskohercegovačkog iseljništva značajno promjenilo, a mogućnosti djelovanja postojeće Matice su iz brojnih razloga, prije svega finasijskih, vrlo ograničene.

Također želimo naglasiti da postoji potreba za donošenjem novog zakona koji bi bio usklađen sa faktičkim stanjem i kojim bi se regulisalo pitanje finansiranja Matice iseljenika Bosne i Hercegovine, te da nam nije poznato da je neki organ stavio van snage postojeći Zakon o Matici iseljenika Bosne i Hercegovine.



BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

Broj:05-07-14-8043/10  
Sarajevo, 28.07.2010. godine

PRIMLJENO: 17.8.2010.			
Organizaciona jedinica	Klasifikaciona oznaka	Redni broj	Broj priloga
01-	50-1-	15-80	10

**PARLAMENTARNA SKUPŠTINA BOSNE I HERCEGOVINE**  
*Zastupnički dom/Predstavnički dom*

Predmet: Odgovor na zastupničko pitanje  
-dostavlja se,

Veza: Vaš akt broj: 01/a-50-1-15-80/10 od 06.07.2010. godine

Husein Nanić, zastupnik u Zastupničkom domu Parlamentarne skupštine Bosne i Hercegovine, na 80. sjednici održanoj 30. lipnja 2010. godine, Ministarstvu pravde Bosne i Hercegovine postavio je sljedeće zastupničko pitanje:

''Da li imate namjeru i da li postoje inicijative za izmjene ZKP-a kojim bi se omogućilo pravo suđenja u odsustvu kao što je to i u susjednim državama i obzirom da je Evropski sud za ljudska prava u Strazburu, kao najvažnija evropska sudska institucijaza 47 država članica Vijeća Evrope, primjenjujući EU Konvenciju donio je presude koje se odnose na suđenje u odsustvu, koja su time utemeljena i na presudama ovog suda, iz čega proizilazi da su postojeća četiri ZKP-a u Dejtonskoj BiH protivni Evropskoj Konvenciji, a time i Dejtonskom ustavu BiH, stoga što je EU Konvencija sastavni dio Dejtonskog ustava BiH. Da li postoje inicijative i da li će pokrenuti proceduru izmjene ovog zakona u pravcu ovom koji se ovdje iznio.''

Povodom postavljenog poslaničkog pitanja, Ministarstvu pravde Bosne i Hercegovine daje sljedeći

**ODGOVOR**

Prvog marta 2003. godine stupio je na snagu novi Zakon o krivičnom postupku Bosne i Hercegovine. Stupanjem na snagu ovog i Krivičnog zakona Bosne i Hercegovine, nastaje nova etapa u razvoju krivičnog prava i zakonodavstva u Bosni i Hercegovini, ne samo zbog nove i specifične koncepcije legislativnog uređenja krivičnopravne materije, već i zbog nekih veoma značajnih izmjena u odnosu na prethodno krivično zakonodavstvo.

Zakonom o krivičnom postupku Bosne i Hercegovine od 2003. godine nije predviđeno suđenje u odsustvu optuženog, iako je ovakva mogućnost postojala u dotadašnjem zakonodavstvu. Dakle, radi se o relativno novom zakonu, ali ipak pojedina rješenja ovog

zakona nisu upotpunosti usklađena sa dobrom tradicijom ili najboljim praksama i međunarodnim standardima. Upravo zato, od 2003. godine do sada bilo je više izmijena ili dopuna Zakona o krivičnom postupku Bosne i Hercegovine.

Nesporno je da je prisustvo optuženog bitna procesna pretpostavka za održavanje glavnog pretresa, odnosno za suđenje uopšte. Međutim, praksa je pokazala da je opravdano omogućiti da se optuženom u izuzetnim situacijama može suditi u odsustvu. Radi navedenog Ministarstvo pravde Bosne i Hercegovine pripremilo je nacrt izmjena i dopuna Zakona o krivičnom postupku Bosne i Hercegovine koji je dostavljen Timu za praćenje i ocjenu primjene krivičnih zakona. Naime, ponudjenim rješenjem predložena je izmjena člana 247. kojom se uvodi "Suđenje u odsustvu optuženog", te iza člana 328. dodaje se novi član 328.a), kojim se omogućava "Pnavljanje postupka u kome je lice osuđeno u odsustvu".

Ministarstvo pravde cijeni da će predložene izmjene Zakona o krivičnom postupku Bosne i Hercegovine spriječiti zastaru krivičnog gonjenja u onim slučajevima gdje je počilac krivičnog djela nedostupan. Nadalje, vođenje krivičnog postupka za određena krivična djela, naročito ona koja spadaju u kategoriju tzv. "teških" krivičnih djela, ima i svoje značajno moralno i opštedruštveno opravdanje, što samo po sebi je značajan razlog za suđenje u odsustvu u nekom konkretnom slučaju.

Dakle, Ministarstvo pravde Bosne i Hercegovine je planom rada za 2010. godinu predvidjelo pripremu izmjena i dopuna Zakona o krivičnom postupku Bosne i Hercegovine, te iste uradilo upravo u pravcu kako je navedeno, pa nakon što Tim razmotri ili poboljša ponudena rješenja, nacrt zakona biće dostavljen u proceduru usvajanja.

S poštovanjem,



MINISTAR

Barisa Čolak

*Barisa Čolak*